

## L E B H I T I C U S.

16 Agus dh'iarr Maois gu dìchiollach meann na h-ìobairt-pheacaidh, agus feuch, loisgeadh e: agus bha fearg aige re h-Eleasar agus re h-Itamar, mic Aaroin, a dh'fhàgadh beo, ag ràdh,

17 C'ar son nach d'ith sibh an ìobairt-pheacaidh 'san ionad naomha, do bhrì' gu bheil i ro-naomha, agus thug *Dia* dhuibh i a ghiùlan aingidheachd a' choi-thionail, a dheanamh réite air an son 'am fianuis an Tighearna?

18 Feuch, cha d'thugadh a fuil a steach an taobh a stigh do'n *ionad* naomha: bu choir dhuibh gu deimhin a h-ithheadh 'san *ionad* naomha, mar a dh'aithn mise.

19 Agus thubhairt Aaron re Maois, Feuch, an diugh thug iad suas an ìobairt-pheacaidh, agus an ìobairt-loisgte 'an làthair an Tighearna; agus thachair an leithidean sin no nithibh dhomhsa; agus nam bithinn air itheadh na h-ìobairt-pheacaidh an diugh, an gabhta ria 'an làthair an Tighearna?

20 Agus an uair a chuala Maois sin, bha e toilichte.

### C A I B. XI.

**A** GUS labhair an Tighearna re Maois, agus re h-Aaron, ag ràdh riu,

2 Labhraibh re cloinn Israeil, ag ràdh, *Is iad* so na beathachan a dh'itheas sibh do na h-uile ainmhidhibh a *ta* air an talamh.

3 Gach aon a roinneas an ionga<sup>a</sup>, agus a fgoilteas an ladhar<sup>b</sup>, agus a chnàmhas<sup>c</sup> a' chìr am measg nan ainmhidhean, sin ithidh sibh.

4 Ach iad so cha'n ith sibh, dhiubhsan a chnàmhas a' chìr, no dhiubhsan a roinneas an ionga: mar an càmhail, a chionn ge do chnàmh e a' chìr, nach roinn e 'n ionga<sup>d</sup>; neo-ghlan *tha* e dhuibh.

5 Agus an coinean, a chionn ge do chnàmh e a' chìr, nach roinn e 'n ionga; neo-ghlan *tha* e dhuibh.

6 Agus a' mhaigheach<sup>e</sup>, a chionn ge do chnàmh i a' chìr, nach roinn i 'n ionga; neo-ghlan *tha* i dhuibh.

7 Agus a' mhuc, a chionn ge do roinn i 'n ionga, agus ge do fgoilt i an ladhar, gidheadh nach cnàmh i a' chìr; neo-ghlan *tha* i dhuibh.

8 D'am feoil cha'n ith sibh, agus r'an cairbh<sup>f</sup> cha bhean sibh: neo-ghlan *tha* iad dhuibh.

9 Iad so ithidh sibh, dhiubhsan uile a *ta* 'fna h-uisgeachaibh: gach *ni* air am bheil itean<sup>g</sup> agus lannan anns na h-uisgeachaibh, anns na cuantaibh<sup>h</sup>, agus anns na h-aibhnicheibh, iad sin ithidh sibh.

10 Agus gach *ni* air nach 'eil itean no lannan anns na cuantaibh, agus anns na h-aibhnicheibh, do gach *ni* a ghluaifeas 'fna h-uisgeachaibh, agus do gach *ni* beo, a *ta* 'fna h-uisgeachaibh; 'nan gràineilcachd bithidh iad dhuibh:

11 Eachon

<sup>a</sup> crodhan.

<sup>b</sup> a fgoilteas sgoltadh nan iongan. *Eabh.*

<sup>c</sup> chagnas. *Eir.*